



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de
Montisfalisci, M.DCC.XVII.**

Casus XV. Argumentum. Stante Privilegio Pontificis, quod Beneficia conferantur solis personis oriundis alicujus Civitatis, & non alienigenis; An in Beneficiis patronatis possint alienigenæpræsentari?

[urn:nbn:de:hbz:466:1-72191](#)

16que ulteriori ponderatione, una superius tacta, quod nempe in omnem casum deficiebat observantia, immo ex premissis militabat in oppositum per duo fermè Secula, deficiente autem, vel contraria existente observantia, vel cessat ex jam dictis omnis presumptio Privilegii, aut saltem per non usum potius presumitur, vel revocatum, vel deperditum ex quotidie animadversis per Bartol. in Leg. fin. ff. de Constatut. Princip. ibique ceteri Sribentes, Suar. de Legibus lib. 8. cap. 34. num. 15. & 16. Noguerol. allegat. Jur. 39. num. 39. Mandos. de Privileg. ad instar Gloss: 11. numer. 22. Tractat. divers. cum aliis plena manu allegat. per Rot. decis. 175. num. 8. & 9. & decis. 229. num. 3. & 4. coram san. mem. Alexandro Octavo, & in nostris terminis eadem Rota in Brixien. Jurisdictionis 27. Junii 1710. §. Huc usque versic. Nihilominus coram Reverendissimo Kaunitz Episcopo Labacen.

Et secunda, quod hæc privilegia, praecisivè ab Ordinibus Mendicantibus in proposito hujuscemodi unionum, quoad amovibilitatem, & regularitatem, extiterant radicitus avulsa, atque sublata per dispositionem Sacri Concilii Tridentini jam enunciatam in dicto cap. 7. Reform. sess. 7. ut testatur Rota coram Dunozett. Jun. & coram Zarat. decis. 23. num. 34. vers. Ubi sit, & in prelaudata Brixien. Jurisdictionis dicto §. Huc usque sub initio, & ita declaratum fuisse per Sacram Congregacionem Concilii docet Barbos. de Offic. & Potest. Episcopi allegat. 72. num. 190. & insuis Collectan. ad Concil. dicta sess. 7. cap. 7. num. 19.

A primo itaque ad ultimum, explosis praedictis assertis Privilegiis, tot in unum concurrere visa sunt fundamenta, ut non nisi pro praedicta Secularitate, & perpetuitate respondendum esse Domini censuerint utraque.

ARGUMENTUM.

Stante Privilegio Pontificis, quod Beneficia conferantur solis Personis oriundis alicujus Civitatis, & non Alienigenis, An in Beneficiis Patronatis possint Alienigenæ presentari?

SUMMARIUM.

- 1 Stante Privilegia Apostolico, quod omnia Beneficia alicujus Civitatis conferantur solis ejus indigenis; Erectio Beneficii facta ab Ordinario pro alienigenis est nulla;
- 2 Stante Reservatione Jurispatronatus passivi favore eorum Civitatis, an presentari possint Alienigenæ?
- 3 Verba, aut aliorum locorum: In Reservatione Jurispatronatus apposta, an intelligenda sint de quibuscumque Locis? & num. 4.

C A S U S X V.

STANTE Privilegio Apostolico, quod omnia Beneficia alicujus Civitatis conferantur solis indigenis illius Civitatis, & nullatenus exteris, sive illa Beneficia sint libera, sive de Jurepatronatus Laicorum, & stante Reservatione Jurispatronatus passivi favore eorum dictæ Civitatis, aut aliorum Locorum; Quaritur an Erectio Beneficii facta ab Ordinario pro Alienigenis sit nulla? Et an possint praesentari Alienigenæ?

- 1 Respondeo quoad primum affirmativè; quia stante dicto Privilegio irritante omnes contrarias dispositiones derogando omnibus Statutis Ecclesiarum, aliisque sanctionibus etiam vim contractus habentibus derogatum censetur legibus adjectis ab ipso Ordinario in erectione Beneficii juxta decis. 1. num. 2. versic. Secus verò Domini de Præben. in novis. Ferret. cons. 109. n. 5. & 6. lib. 1. Fælin. in tract. quando Litteræ Apostolicæ noceant Patron. num. 7. Lambert. de Jurepat. lib. 2. par. 3. quæst. 4. art. 10. n. 2. Pignatell. consult. 29. num. 14. tom. 4.

Ad

2 Ad secundum respondeo Negativè, quia cùm dictum Privilegium non præjudicat Essentia Jurispatronatus, sed solum præjudicat Juri, quod consuetudo tribuerat Patronis Laicis præsentandi, quem velint, inducendo Patronos ad illud, quòd disposuerat Jus commune in cap. *Hortamur diff.* 71. consequenter obligat præsentari solos indigenas, nisi Fundator reservasset Juspatronatus passivum pro suis consanguineis, qui essent alienigenæ. Ita *Lambert. de Iurepatr. lib. 2. par. 1. quest. 7. art. 24. num. 20.*

3 Non obstat, quòd Fundator reservavit Juspatronatus passivum favore eorum dictæ Civitatis, aut aliorum Locorum; Quia hæc ampliatio: *Aut aliorum locorum:* Non intelligitur de locis ejusdemque partis Mundi, sed solum de locis existentibus intra Diæcesim illius Civitatis, in qua Fundator natus est, & condidit Testamentum *Gloss. in Leg. 12. verb. Provincia C. de præscript. long. temp. & in L. Decernimus in verb. Locum C. de Aqueduct. lib. 10. Alber. in dictionar. litt. L. vers. Locus aliquando, Lambertin. de Iurepatronatus lib. 2. part. prima, quest. 7. art. 24. sub num. 6.*

4 Quod ulterius probatur ex eo, quòd Fundator primo loco mandavit præsentandum esse unum de dicta Civitate; Unde frequentia verba: *Seu aliorum locorum,* important loca ejusdem qualitatis, & identitatis, & præcedenter expressa, ac propterea si præcedenter expressit dictam Civitatem, ita etiam subsequenter intellexit de aliis locis ejusdem Civitatis, seu intra ejus Diæcesim circumfusis, non autem de exteris, aut sub aliena Diæcesi contentis, *Felin. in cap. Sedes num. 6. vers. Dic̄tio: Alius: de rescript. Handed. conf. 7. num. 31. Alberic. in Dictionar. verb. Alii Barbos. Diction. 26. num. 9. in fine, Rota dec̄s. 327. num. 7. par. 1. recent.*

His rationibus Præceptor meus in una *Valentina Beneficii* in Rota scripsit, & obtinuit, quòd Fundatio Cappellaniæ cum Jurepatronatus passivo favore Clerici: *della Città di Valenza, o altri Luoghi:* intelligeretur de aliis locis existentibus tamen sùb eodem Dominio Valentia ex natura verbi *Aliorum*, quæ est repetitiva similiūm, non autem diversorum ab ex-

prefsis, ut videre est in ejus *Tractatu de Controv. Patron. alleg. tom. 2. in qua Causa emanarunt Decisiones coram Emerica Jun. dec̄s. 1241. & alia 17. Febr. 1696. coram Reverendissimo dell'Olmo;* quæ erit impressa in ejusdem Præceptoris *Tractatu de Canonicis Lateranensis cap. 24. in fine;* qui Tractatus hodie stat sub Revisoribus, & Typis dabitus Romæ.

ARGUMENTUM.

An Patronus de consensu Episcopi possit præsentare ad Beneficium eum, qui non habet omnes qualitates in fundatione appositas.

S U M M A R I U M.

- 1 Patronus an possit immutare conditiones, & qualitates à Testatore in limine Foundationis appositas & & num. 2.
- 3 Patronus de consensu Episcopi non potest pro una vice præsentare ad Beneficium eum, qui non habet omnes qualitates in fundatione appositas.
- 4 Qualitates in fundatione volitas solus Pontifex immutare potest.
- 5 Pontifex, urgentibus necessitate, aut utilitate, derogare solet qualitatibus in fundatione appositis.

C A S U S XVI.

VAcante Beneficio A. simplici de *Jurepatronatus*, & habente ex lege fundationis annexum ordinem Sacrum, & Sacerdotalem, Patronus de consensu Ordinarii præsentavit ad illud filium suum in ætate annorum 14. constitutum. Quæritur, an hujusmodi præsentatio facta de consensu Ordinarii sit valida?

Et videtur respondendum *Affirmativè*, quia Patronus de consensu Episcopi potest pro una vice præsentare ad Beneficium eum, qui non habet omnes qualitates in fundatione appositas. *Rota dec̄s. 81. numer. 4. coram Serafino.* Ratio est, quia Episcopus cum consensu Patroni potest ex justa Causa pro una vice tantum alterare qualitates, & conditiones Beneficio ad-